

ԻՇԽԱՆՈՒԹՅՈՒՆՆԵՐԻ ԲԱԺԱՆՈՒՄԸ ԵՎ ՀԱՅ ԻՐԱՎԱՔԱՂԱՔԱԿԱՆ
ՄԻՏՔԸ

(XVIII դ. երկրորդ կես)

ՄԱԼԻԿ ԹԵԼՈՒՆՑ

«Իշխանությունների բաժանման» սկզբունքի սաղմերը ձևավորվել են Հնագույն ժամանակներում, երբ ինքնակալական կամ բռնակալական պետական կառուցվածքների հակաիրավականությունը, սոցիալական վնասը դնալով ավելի ու ավելի վտանգավոր ու անհանդուրժելի էին դառնում: Սկզբունքի էությունը հիմնականում հանդուրժելի է նրան, որ չի կարելի մի անձի կամ օրգանի ձեռքում կենտրոնացնել ամբողջ իշխանությունը՝ օրենսդիր, դատական և դործադիր, քանզի այն խախտում է հավասարակշռությունը, տեղիք տալիս ինքնակամ, ոչինչ հաշվի չառնող որոշումների, հանգեցնում չարաչահումների՝ հաճախ սոցիալական անկանխատեսելի վնասներ պատճառելով:

Արդեն անտիկ աշխարհի մտածողներից Արիստոտելը (384-322 մ.թ.ա.) բավարար որոշակիությունը առաջագրում էր իշխանությունների տարանջատման սկզբունքը: Արիստոտելը պետական իշխանությունը կամ պետական կառուցվածքը բաժանում էր երեք մասի՝ օրենսգրական կամ օրենսդրախորհրդակցական, դատական և գործադիր (պաշտոններ կամ պաշտոնյաներ)¹: Ըստ Արիստոտելի, պետական այդ երեք ձևերի ճիշտ գոլդակցումից էլ կախված է պետական լավագույն կարգը²: Տալով օրենսդիր օրգանի իր ըմբռնումը՝ Արիստոտելը գտնում էր, որ օրենքների ընդունումը կարելի է վերապահել բոլոր քաղաքացիներին, քանզի լավագույն դեմոկրատական կարգն այն է, երբ բոլոր քաղաքացիներն են լուծում բոլոր հարցերը³:

Ավելորդ չէ նկատել, որ դեռ Արիստոտելից ավելի առաջ, Հին Հունաստանում (Աթենք, Սպարտա) իշխանությունների բաժանման կամ տարանջատման սկզբունքը որոշ չափով գործնական կիրառում էր գտել հանձինս ժողովրդական ժողովի՝ օրենսդիր օրգանի, 400-ի (հետագայում՝ 500-ի) խորհրդի, որը նախապատրաստում էր օրենքների նախագծեր և ներկայացնում ժողովրդական ժողովի քննարկմանը՝ ընդունմանը, գործադիր իշխանությունն իրականացնող արքոնտների, ստրատեգների, դատական իշխանությունն իրականացնող Արեոպագի, Հելիեայի և այլն⁴:

Իշխանությունների բաժանման կամ տարանջատման սկզբունքը, կամ

¹ Аристотель. Сочинения. Т. 4, М., 1984, с. 514—525.

² Նույն տեղում:

³ Նույն տեղում, էջ 515:

⁴ П л у т а р х. Избранные жизнеописания. Т. 1, М., 1987, с. 96—97, 173—195; 3. М. Черниловский. Всеобщая история государства и права. М., 1983, с. 40—56.

ավելի ճիշտ թագավորական իշխանությունը զուգահեռ կոլեգիալ խորհրդակցական կամ ներկայացուցչական օրգանի անհրաժեշտության գաղափարին հանդիպում ենք Գրիգոր Տաթևացու (1346-1410 թթ.) մոտ: Վերջինս «Հայ ժողովրդի դժբախտություններից մեկն էլ համարում է Ֆեոդալ իշխանների ինքնագլուխ գործունեությունն ու անմիաբանությունը»: «Եւ մերս առաջնորդք և իշխանք հոգևոր կամ մարմնաւորք՝ որք ինքնիշխանութեամբ կատարեն զգործն առանց խորհրդակցի, վասն որոյ բարձեալք իշխանութիւն և ավերեալ երկիրն և տարագրեալ են ժողովուրդք մեր ի վերայ երկրի և ցրեալ յամենայն ազգս»: Տաթևացին այն համոզմանն է, որ Հայ ազգը վերոհիշյալ աղետները կկարողանար կանխել, եթե երկրի պետական ու քաղաքական բոլոր հարցերը լուծվեին համազգային խորհրդի կողմից. «Եւ առաւեալ քան զամենայն պիտանաւորութիւն՝ ունին առ միմեանս զժողովիւն ի խորհուրդ. և ապա համաձայն նոցին խորհրդով՝ վարել զչինութիւն աշխարհի»: Այդ խորհրդակցական օրգանի նշանակությունը Տաթևացին այնքան է չափազանցնում, որ փորձում է հավատացնել, թե այնտեղ իշխաններն էլ լսում են ժողովրդին և շարժվում են նրա ներկայացուցիչների խորհրդով: Երկրի կառավարման գործում խորհրդակցական օրգանի կարևորությունը վերաբերյալ Տաթևացու այս դրույթներն ամենևին էլ չեն ժխտում միապետության անհրաժեշտությունը: Գրանք վկայում են միայն, որ Տաթևացին բացարձակ միապետությանը հակադրում է սահմանադրական միապետությունը, որը նա համարում է կառավարման ամենաուսուցիչն ալ ձևը⁵:

Իշխանությունների տարանջատման սկզբունքը հետագայում ավելի հստակեցվում ու որոշակիացվում է XVII–XVIII դդ. մտածողների մոտ: Մասնավորապես այդ սկզբունքը ժամանակաշրջանի առումով բավարարմանրամասնությունը վերլուծվում է Շառլ Լուի Մոնտեսքյոյի (1689–1755 թթ.) «Օրենքների ոգու մասին» աշխատության մեջ⁶: Այդ երեք՝ օրենսդիր, գործադիր և դատական իշխանությունների միավորումը մեկ օրգանում կամ անձի ձեռքում, ըստ Մոնտեսքյոյի, նշանակում է ամեն ինչի կործանում. «Թուրքերի մոտ, որտեղ այդ երեք իշխանությունները միացած են մեկ մարդու ձեռքում՝ ի դեմս սուլթանի, տիրում է սարսափելի բռնակալությունը»⁷:

Հայտնի է, որ հենց XVIII դ. երկրորդ կեսին աննախադեպ զարթոնք է ապրում նաև Հայ ազգային-ազատագրական և դրա անքակտելի մասը կազմող իրավաքաղաքական միտքը, որի կարկառուն ներկայացուցիչներն էին Հովսեփ Էմինը (1726–1809 թթ.), Մովսես Բաղրամյանը (ծննդ. և մահ. թվերը հայտնի չեն), Շահամիր Շահամիրյանը (1723–1797 թթ.): Անգլիական կրթություն ստացած և ժամանակաշրջանի եվրոպական առաջադեմ գաղափարներին քաջատեղյակ Հովսեփ Էմինը, քննադատելով պարսկաթուրքական և ընդհանրապես ինքնակալական կարգերը, իր ակնհայտ համակրանքն է հայտնում անգլիական պետական կարգերի նկատմամբ, կար-

5 Ն. Գ ա բ ռ ի ե լ յ ա ն. Հայ փիլիսոփայական մտքի պատմություն. հ. 2, Երևան, 1958, էջ 213–214: Ն. Թ ո վ մ ա ս յ ա ն. Գրիգոր Տաթևացու սոցիալ-տնտեսագիտական հայացքները. Երևան, 1966, էջ 70–71:

6 III. М о н т е с к ь е. Избранные произведения. М., 1955, с. 290 – 291.

7 Նույն տեղում:

գեր, որտեղ թագավորական իշխանութիւնը սահմանափակված է պառլամենտով. «Ես շարունակում եմ պաշտպանել իմ ճիշտ (դրական – Մ. Թ.) կարծիքը այս հռչակավոր հանրապետական ազդի (անգլիական – Մ. Թ.) մասին, որի գերընտիր օրենքները ոչ թե մեկ ճրագի են նմանվում, որ միայն տիրոջն են լուսավորում, այլ նման են արևին, որն իր լույսն է սփռում ամբողջ տիեզերքի վրա»⁸: Էմիլի անմիջական ազդեցութեամբ նրա գինակից ու դադափարակից Մովսես Բաղրամյանն իր 1772թ. լույս տեսած «Նոր տետրակ, որ կոչի յորդորակ» պատմաքաղաքական երկում հայկական պետականութիւնի կործանման հիմնական պատճառներից մեկը համարում էր օրենքով չսահմանափակված ինքնակամ իշխանութիւնը: Բաղրամյանն առաջարկում էր միապետական իշխանութիւնը սահմանափակել խորհրդարան-պառլամենտով (կամ խորհրդակցական օրգանով) սահմանադրութեամբ և անեղծանելի օրենքներով: Դա հասարակութիւնը բազմատեսակ վնասներից զերծ պահելու երաշխիք է, քանզի առանձին մարդը սխալական է, ըստ որում հասարակութիւնի վրա ավելի ծանր է նստում իշխանի, թագավորի (որպես առանձին անհատների) սխալը, քանի որ նրանց իրավունքներն ավելի մեծ են. «Ուրեմն, թեև ամենքն էլ մեղանչում և սխալվում են ոչ առանց վնասի և հատուցման, սակայն ոչ այնպես, ինչպես տերերը, իշխաններն ու ազգի նահապետները, բանն այն է, որ եթե հասարակ ժողովրդից որևէ մեկը սխալվում կամ մեղանչում է, ապա միայն իրեն է վնաս բերում, իսկ իշխանի սխալվելը ոչ միայն վնասներ, այլև երբեմն մեծամեծ պատուհասներ ու աշխարհավերածութիւններ է բերում ամբողջ ազգին...»⁹: Հետևաբար, պետք է իշխանութիւնը, պետութիւնը ի դեմս թագավորի, ինքը ևս տեղավորվի օրենքի շրջանակներում, լինի կոլեգիալ. «Ուստի իշխանութիւնը ինչ-որ միմիայն մեկի դատողութեանն ու կառավարմանը չպետք է ենթակա լինի, այլ ամենալավագույնը կլինի, եթե իշխանութիւնն անխախտելի սահմանադրութեամբ և անեղծանելի օրենքներով կախում ունենար ընտիր-ընտիր ու մեծամեծ խորհրդականներից և տեսակ-տեսակ խորհրդատուներից: Այդ դեպքում միայն իշխանը կարող էր ժողովրդի հանդեպ ամեն մի խղճմտանքից ազատ լինել և երջանկորեն վայելիք իր երկիրը, որի շնորհիվ և երկիրը կլինի խաղաղ ու բարեկարգ վիճակում: Բանն այն է, որ թերևս ընտրյալներից մեկնումեկը սխալվի կամ ինչ-որ հանցավոր գործով տապալվի (նման պարագայում), մյուսները կարող են նրան փութանակի ուղղել ու ոտքի կանգնեցնել»¹⁰: Բաղրամյանի դատողութիւնները շատ պարզ են ու տրամաբանական միասյուն առաստաղի մեկ սյունը խաբխրվելու դեպքում ամբողջ առաստաղն է փլվում, իսկ բազմասյուն առաստաղի դեպքում՝ մյուս սյուները պահպանում են առաստաղը¹¹:

Շահամիր Շահամիրյանը, սակայն, չի բավարարվում նման դատողութիւններով: Նա իշխանութիւնների տարանջատման և իրավական պետութ-

8 Հովսեփ Էմիլի կեանքն ու արկածները. Պեյրութ, 1958, էջ 8:

9 Նոր տետրակ, որ կոչի յորդորակ. Մադրաս, 1772, էջ 139, Յորդորակ..., Երևան, 1991, էջ 159:

10 Նոր տետրակ, որ կոչի յորդորակ. Երևան, էջ 132, Հմմտ. Յորդորակ..., Մադրաս, էջ 161:

11 Նույն տեղում, էջ 161–162:

յան ելակետային սկզբունքների հիման վրա կազմում է իր սահմանադրությունը՝ օրենքների ժողովածուն (521 հոդվ.) և այդ սահմանադրության նորմերով կարգավորվող ապագա հայկական պետության մոդելը¹²: «Որոգայթ փառացը» հստակորեն տարանջատում է օրենսդիր, գործադիր և դատական իշխանությունը: Ամենից առաջ պետք է ընդգծել, որ պետական իշխանության աղբյուրը, ըստ «Որոգայթ փառացի», ժողովուրդն է, և գահակազարային կամ կարգախոսային բնույթ չի կրում: Իշխանության մարմինների ձևավորումը սկսվում է նրանից, որ նախ՝ 14-րդ հոդվածի համաձայն, ապագա Հայաստանի 12000 տուն ունեցող յուրաքանչյուր գավառի մեջ մտնող ամեն մի գյուղից ընտրվում է մեկական պատգամավոր՝ փոխանորդ, որոնք ընտրվում են ամբողջ ժողովրդի կողմից: Այնուհետև գավառից ընտրված բոլոր փոխանորդներից վիճակահանությամբ ընտրվում են երկուսը, որոնցից մեկն ընդգրկվում է օրենսդիր, մյուսը՝ գործադիր իշխանության կազմում: Բոլոր փոխանորդների լիազորությունը հաստատվում է համայնքների՝ գյուղերի ավագանու կողմից, երեք տարի ժամանակով¹³: Օրենսդիր իշխանություն իրականացնելու համար լիազորված անձը «Որոգայթում» կոչվում է տանուտեր տա՛նն հայոց, իսկ գործադիր իշխանություն իրականացնողը՝ պաշտօնատար ի տանեն հայոց: Այդ երկու փոխանորդներին այլ աշխատանք չի թույլատրվում, նրանք կատարում են միայն իրենց պատգամավորական լիազորությունները, որի համար ստանում են յուրաքանչյուրը տարեկան 3000 դահեկան արծաթ. «...փոխանորդքս ստանայցեն իւրաքանչ տանէ տարեկանաւ կէս դահեկան երծաթի, յամահաւասարութիւնն ըստ կարեաց տանց, զի այս վեց հազար դահեկանս հատուցումն լինիցի ծախ կարեաց երկու փոխանորդաց իւրեանց, զի նոքայ մնացեն անհօգս ՚ի ծախից, պահելով ժամանակս փոխանորդութեան իւրեանց ազատ առ ՚ի խորհուրդ և գործ վասն բարութեան ժողովրդեան իւրեանց...»¹⁴:

Պետական իշխանության բարձրագույն օրգանը ժողովրդի կողմից ընտրված փոխանորդ տանուտերերից կազմված Հայոց տունն է՝ պառլամենտը: Օրենքը կարող է ընդունվել միայն Հայոց տան կողմից: Օրենքը պետք է ընդունվի ամբողջ ժողովրդի՝ ազգի կողմից, համապատասխանի նրա կամքին: Այդպիսի օրենքը ազգի միակ առաջնորդը, իշխանն ու թագավորն է (հոդվ. 16):

Բոլոր փոխանորդներից ընտրվում, կազմվում է 13 հոգուց բաղկացած գործադիր իշխանություն՝ կառավարություն, որը իր լիազորությունը ստանում է Հայոց տնից և պատասխանատու է Հայոց տան առջև (հոդվ. 18). «Ամենայն պաշտօն եթէ նախարարութեան, եթէ դատաւորութեան, եթէ խորհրդակցութեան. իշխանութեան, ամենայն կարգ զինւորութեան, դպրութեան, գծագրութեան և ամենայն կառավարութեան ՚ի տանէն հայոց և ՚ի տանուտերաց ելցէ, և ՚ի վերայ նոյն պաշտօնատարութեան տալոյ իշխանութիւն ՚ի տանէն և տանուտերացէ հայոց թուղթ պաշտօնի ըստ Օրի-

12 Գիրք անուանեալ Որոգայթ փառաց, Վասն կալանաորելոյ ամենայն գործ անկարգութեան. Մազրաս, 1773, Թիֆլիս, 1913:

13 Նույն տեղում, էջ 147-149:

14 Նույն տեղում, էջ 148:

նաց»¹⁵:

Ուշադրավ է, որ ոչ միայն կառավարութունը՝ 13 հոգուց կազմված բարձրագույն գործադիր օրգանը, այլև բոլոր նախարարները և զինված ուժերի հրամանատարները՝ սպարապետները, ինչպես նաև դատավորները՝ ընտրովի են, նրանք անմիջապես ժողովրդի կողմից ըստ գավառների, ընտրված անձինք են: Ընտրովի են և հիշատակված անձանցից կազմված ոչ միայն 25 հոգուց բաղկացած Գերագույն դատարանը, այլ նաև տեղերի՝ շրջանների, քաղաքների համար նախատեսված 60 դատավորները: Ընդհանրապես «Որոգայթ փառացը» նշանակովի պաշտոն չունի: Ապագա հայկական պետութայն՝ անմիջապես ժողովրդի կողմից ընտրված 568 պատգամավորներից 284-ը ընդգրկվում են գործադիր իշխանութայն մեջ, 204-ը՝ օրենսդիր: Ժողովրդական է նաև «Որոգայթի» այն սկզբունքը, որ ցանկացած պաշտոնյա, ցանկացած պատգամավոր կարող է ետ կանչվել, եթե նա մեղք գործի՝ հանցանք կատարի կամ չարգարացնի ժողովրդի վստահութունը: Այս կանոնը վերաբերում է թե՛ օրենսդիր, թե՛ գործադիր իշխանութայն անդամներին: Դեռ ավելին, «Որոգայթը» սահմանում է (հոգվ. Ղէ, 95), որ եթե «ի վերայ ամենայն պաշտօնատարի հաստատեցով վկայիք կաշառառութիւն նորայ իսկոյն անկցի նա ՚ի պաշտօնե իւրմէ և մ՚ի երբէք մտցի պաշտօն ՚ի ժամանակս կենաց իւրոց»¹⁶:

Շահամիրյանը թեև իր սահմանադրութայն մեջ առաջադրել է եկեղեցին պետութայնից անջատ լինելու, միմյանց գործերին չմիջամտելու սկզբունքը, այնուամենայնիվ հոգևորականութայնը չի զրկել երկրի օրենսդիր բարձրագույն մարմնում իր ներկայացուցչին ունենալու իրավունքից: «Որոգայթի» ԺԲ (12) հոգվածը շեղում թույլ տալով՝ նախատեսում է, որ հոգևոր փոխանորդն ընտրվի հոգևորականութայն կողմից: Հոգևորականութայնն ընտրում է մեկ արքեպիսկոպոս-փոխանորդ 3 տարով պառլամենտում՝ Հայոց տանը իր շահերը ներկայացնելու համար:

«Որոգայթի» ուշադրավ նորմերից է նաև նրա Մ (50) հոգվածը, ըստ որի օրենսդիր մարմնի անդամը՝ տանուտերը, չի կարող միաժամանակ պաշտոն զբաղել գործադիր իշխանութայն մեջ, ըստ որում, եթե պատահի այնպես, որ տանուտերը ընտրվի գործադիր իշխանութայն մեջ, ապա նա պետք է ետ վերադարձնի տանուտերի մանդատը¹⁷: Այսինքն՝ այստեղ ևս արտահայտվում է Շահամիրյանի հստակ դիրքորոշումը՝ հավատարիմ մնալ «իշխանութայնների բաժանման» սկզբունքին, թույլ չտալ օրենսդիր և գործադիր ֆունկցիաների համատեղում մեկ անձի կամ մեկ մարմնի կողմից:

Վերը նշված ընդհանուր դեմոկրատական կարգից Շահամիրյանի շեղումը նրանում է, որ եթե ըստ ընդհանուր կանոնի կառավարութայնը և նրա նախագահը՝ նախարարը, ընտրովի են, 12 անդամներն ընտրվում են ցմահ, իսկ նախարարը՝ 3 տարով, ապա հայ թագավորական արքայատոհմներից որևէ մեկի՝ ներկայացուցչի առկայութայն դեպքում, եթե նշանակվի նախարար և ծագի գործադիր իշխանութայն գլուխ ընտրելու հարցը, ապա

15 Նույն տեղում, էջ 152:

16 Նույն տեղում, էջ 242:

17 Նույն տեղում, էջ 173:

վերջինս՝ նախարարը, ընտրվում է ցմահ՝ ժառանգական կարգով, իսկ 12 անգամները՝ 3 տարով¹⁸: «Որոգայթի» ի, ԻԱ (20-21), ՄԲ-ՄԷ (52-57) հոդվածները կարգավորում են ժառանգական նախարարի ինստիտուտը: Շահամիրյանն այսպես է պատճառաբանում. «Այլ եթէ գուցե զի այժմ և կամ յապա ժամանակ ըստ ժամանակս ելցէ ոմն, և կամ ոմանք ի սերնդոց նախնոյ մերոյ Հայկայ, և կամ հաւատարմաց մերոց Վաղարշակայ և Բագրատայ ցանկանայցեն Նահապետութեան Հայաստանեայց անձամբ, և կամ որդէ որդի ժառանգութեամբ և երդմամբ խոստանայցէ պաշտել զԱստուած ըստ կերպին աւանդութեան Հայաստանեայց եկեղեցւոյ, հնազանդել օրինաց, որ ելցէ ի տանէն և ի տանուտէրացէ հայոց և յանձն առնու ի վերայ իւր հատուցանել վնասն գործոց ձեռաց իւրոց ըստ օրինոքն Հայաստանեայց կալով մնալ զամենայն աւուրս կենաց իւրոց մի և նոյն զօրութեամբ որպես գլուխ 51. յօրէնս նախարարութեան յայնժամ պարտ է մեզ սիրով ընդունիլ պատուիլ նմայ փառօք և պատուօք»¹⁹: «Որոգայթի» ընդհանուր համակարգից շեղում պետք է համարել այն, որ եթե նա միայն տղամարդկանց է ընտրվելու իրավունք վերապահում, ապա ժառանգական նախարարի դեպքում այդ պաշտոնի համար թույլատրելի է համարում նաև իգական սեռի անձանց²⁰, որը, բնականաբար, բխում է ժառանգական իշխանությունից: Գրականությունից մեջ ճիշտ է նկատվել, որ զիջումը և ընդհանրապես ժառանգական նախարարի վերաբերյալ ընդհանուր կարգից թույլ տրված շեղումն արվել է քաղաքական նկատառումներով²¹: Հայտնի են քաղաքական այն ակնկալիքները, որ Շահամիրյանը և հատկապես Հովսեփ Էմինը կապում էին վրաց Հերակլ II Բաղրատունու գլխավորությունը հայ-վրացական միասնական պետություն ստեղծելու հետ: Հենց այդ նկատառումով էլ Շահամիրյանը թույլ է տալիս ժառանգական նախարարի հնարավորությունը: Ըստ որում, այս բացառությունն իր նախադեպն ունի նաև անգլիական սահմանադրական իրավունքում, որի 1653թ. դեկտեմբերի 16-ի ակտը սահմանում էր, որ Լորդ պրոտեկտորի պաշտոնը համարվում է ոչ ժառանգական, նույն ակտի մեկ այլ հոդված սահմանում էր, որ Օլիվեր Կրոմվելը ճանաչվում է որպես ցմահ Լորդ պրոտեկտոր²²:

Հիշատակված երկու դեպքում էլ մենք դործ ունենք քաղաքական կոնկրետ ակնկալիքների և իրադրությունների հետ: Հետևաբար «Որոգայթ»-ում արված բացառությունը ոչնչով չի նսեմացնում նրանում առաջադրված ժողովրդական պետական համակարգը: Ժառանգական նախարարի մասին հիշատակված նորմեր կան «Որոգայթի»՝ Մատենադարանում պահվող տարրեր ժամանակների ձեռագիր օրինակներում ևս²³: Սա նույնպես կրկին

18 Նույն տեղում, էջ 178:

19 Նույն տեղում:

20 Նույն տեղում, էջ 179:

21 Հ. Ութմազյան, Վ. Հակոբյան. Հայ ազատագրական զաղափարների երկու կենտրոն և երկու ծրագիր XVIII դ. երկրորդ կեսին. - ԵՊՀ ուսանողների դիտաշխատությունների ժողովածու. Հ. 3, Երևան, 1941, էջ 103-105:

22 Конституции и законодательные акты буржуазных государств XVII - XIX вв. - Сборник документов под. ред. проф. П. Н. Галанзы, М., 1957, с. 93-94.

23 Մ. Մաշտոցի անվան Մատենադարան (այսուհետև՝ Մատենադարան), ձեռ. № 7886, հոդվ. 52-58, թ. 42-46, ձեռ. 3101, հոդվ. 52-57, թ. 47-51, ձեռ. 3102, հոդվ. 52-57, թ. 49-53:

վկայում է այն մասին, որ Շահամիրյանը հենց սկզբից էլ նախատեսել է ժառանգական նախարարի հնարավորությունը՝ դարձյալ վերը նշված քաղաքական նկատառումներով: Սակայն ժառանգական նախարարը հատուկ արտոնություններ և իրավունքներ չունի, օգտվում է նույն իրավունքներից և կրում նույն պարտականությունները, ինչ ընտրովի նախարարը²⁴: Թե՛ ժառանգական և թե՛ ընտրովի նախարարը պարտավոր է ենթարկվել օրենքին, ինչպես բոլորը, օժտված է իշխանությամբ. «...գործելոյ զամենայն գործս բարիս, այլ ընդ դէմ օրինացն հայոց գործ ոչ մի»²⁵, իրավունք ունի Հայոց տան համաձայնությամբ բանակցություններ վարել, լուծել պատերազմի և խաղաղության հարցերը, ներում շնորհել, պետության ռազմական ուժերը ղեկավարել կամ ստանձնել Գերագույն հրամանատարի իրավունքը ևս: Նախարարը երգում է տալիս պահպանել օրենքները և հավատարիմ մնալ Հայոց տանը²⁶:

Ինչպես ընտրովի, այնպես էլ ժառանգական նախարարը կարող է ետ կանչվել պաշտոնից՝ կատարած հանցանքի կամ հակօրինական այլ գործողությունների համար: Նույնը վերաբերում է ցմահ կամ որոշակի ժամկետով ընտրված 12-ի խորհրդին²⁷: Այստեղ, ինչպես արդեն ասացինք, Շահամիրյանի դեմոկրատական համակարգի ամենադեմոկրատական կողմերից մեկն էլ բոլոր պաշտոնատար անձանց փոփոխելիություն, կատարած հանցանքի կամ այլ անօրինական գործողությունների համար ետ կանչելու սկզբունքն է, մի հանգամանք, որը հնարավորություն է տալիս ապահովել դեմոկրատական կառավարում: Այսպես, փոխանորդի ետ կանչելու, ժամկետից շուտ զբաղեցրած ընտրովի պաշտոնից հեռացնելու սկզբունքն իր արտացոլումն է գտել «Որոգայթի» և՛ տպագիր տեքստում, և՛ ձեռագիր օրինակներում: Օրինակ, տպագիր տեքստի ՄԼԶ (236) հոդվածը սահմանում է. «Ամենայն ոք ստացեալ պաշտօն, որում աստիճանի որ իցէ՝ ոչ ոք կարող լիցի հանել և կամ իջուցանել նմայ ի պաշտամանէ, բայց գործ մեղաց ձեռաց իւրօք (ընդգծումը մերն է – Մ. Թ.) և մահ կենաց և լրումն ժամանակի պաշտօնի իւրեանց»²⁸: «Որոգայթի» № 7886 ձեռագիր օրինակում կարդում ենք. «Ամենայն ոք ստացեալ զպաշտօն որում աստիճանի որ իցէ ոչ ոք կարող լիցի հանել և կամ իջուցանիլ զնա ի պաշտօնէ, բայց ի գործոյ Հանցանաց նորա (ընդգծումը մերն է – Մ. Թ.) և մահ կենաց և լրումն ժամանակի պաշտօնէ նոցին»²⁹: Մեկ այլ ձեռագրում (3101) ասվում է. «Ամենայն ոք ըստացեալ պաշտօն որում աստիճանի որ իցէ ոչ-ոք կարող լիցի հանել կամ իջուցանել նմայ ի պաշտոնէ, բայց գործ մեղաց ձեռաց իւրոյ (ընդգծումը մերն է-Մ.Թ.) և մահ կենաց, և լրումն ժամանակի պաշտօնի իւրեանց»³⁰:

Պատգամավորներին կամ պաշտոնյաներին ժամկետից շուտ ետ կանչելու իրավունքը, որն ամրապնդված է Շահամիրյանի սահմանադրության

24 Որոգայթ փառաց..., էջ 175–181:

25 Նույն տեղում, էջ 175:

26 Նույն տեղում, էջ 174–177:

27 Նույն տեղում, էջ 178–179:

28 Նույն տեղում, էջ 289:

29 Մատենադարան, ձեռ. № 7886, հոդվ. 236, էջ 156:

30 Մատենադարան, ձեռ. № 3101, հոդվ. 236, էջ 180, 181:

մեջ, այսօր էլ մնում է որպես իսկական՝ ժողովրդավարական համակարգի ապահովման լավագույն երաշխիք: Նկատենք, որ այդ ինստիտուտը սահմանված է նաև ամերիկյան 1787թ. սահմանադրության մեջ³¹: «Որոգայթը» չի սահմանում, թե ո՞ւմ կողմից է ետ կանչվում փոխանորդը, բայց նրա ամբողջ համակարգից երևում է, որ նա ետ է կանչվում կամ հեռացվում է պաշտոնից այն մարմնի կողմից, որը նրան մանդատ է տվել, այն է՝ Հայոց տան, տանուտերերի՝ օրենսդիր մարմնի կողմից: Ընդ որում, դա բավականին որոշակի հաստատվում է ՄԼԷ (237) հոդվածից, որը սահմանում է, որ «ամենայն իջուցեալ ոք ի աստիճանէ պաշտօնի ով որ իցէ, և կամ անկեցեալ ի պաշտօնէ ոչ ոք վերստին նորոգեալ կարէ բայց տունն Հայոց տանուտէրամբ»³²: «Որոգայթի» ԺԸ (18) հոդվածը սահմանում է, որ բոլոր պաշտոնյաները իրենց լիազորություններն ստանում են Հայոց տնից³³: Այս երկու հոդվածների համադրումից կարելի է հանգել այն եզրակացույթյան, որ ետ կանչումը կամ պաշտոնից ժամկետից շուտ հեռացումը կատարվում է Հայոց տան նախաձեռնությամբ՝ համապատասխան հիմքերի առկայության դեպքում: Նույն կարգով է կատարվում նաև նախաընտրի և 12-ի խորհրդի (կառավարության) անդամների ետ կանչումը կամ պաշտոնից հեռացումը: Շահամիրյանը 12-ի խորհուրդն անվանում է «ծածուկ խորհրդարան», որի նախատիպը անգլիական «գաղտնի խորհուրդն է», որը կազմավորվել է թագավորին կից, դեռևս միջնադարում: «Գաղտնի խորհրդի» միջոցով, որի անդամները նշանակվում էին թագավորի կողմից, անգլիական թագավորն իրականացնում էր բարձրագույն կառավարումը: «Գաղտնի խորհրդից» XVIII դ. սկզբին կազմավորվել է անգլիական կաբինետը³⁴: Այսպիսով, Շահամիրյանի 12-ի խորհուրդը կամ կառավարությունը նախատիպ ունենալով անգլիական «գաղտնի խորհուրդը» և հետագայում այդ հիմքի վրա կազմավորված մինիստրների կաբինետը, դրա հետ միաժամանակ տարբերվում է նրանով, որ եթե «գաղտնի խորհրդի» և կաբինետի անգամները նշանակվում կամ ընտրվում էին պրեմիեր մինիստրի կողմից, ապա Շահամիրյանի «ծածուկ խորհրդարանը» կամ «Մինիստրների կաբինետը» ընտրվում է, ըստ որում, սկզբնական փուլում անմիջապես ժողովրդի կողմից (խոսքը յուրաքանչյուր գյուղից մեկական և 12000 տուն ունեցող յուրաքանչյուր գավառից երկուական փոխանորդ ընտրելու մասին է), իսկ ընտրության հաջորդ փուլերում՝ վիճակահանության միջոցով: Սա ևս «Որոգայթի» անվիճելի առավելություններից մեկն է, նաև մի ավելորդ ապացույց այն բանի, որ հաշվի առնելով եվրոպական սահմանադրական փորձը՝ Շահամիրյանը այն չի «պատճենել», այլ ինքնուրույն գործացրել է, ընդ որում, որպես կանոն, առավել դեմոկրատական, առավել առաջադիմական հիմքի վրա խստորեն ղեկավարվելով իրավունքի, օրենքի գերակայության իրավական պետության և իշխանությունների տարանջատման սկզբունքներով:

31 Конституции ... , с. 180, 187.

32 Որոգայթ փառաց ..., էջ 289 (ընդգծումը մերն է – Մ. Թ.):

33 Նույն տեղում, էջ 152:

34 М о р т о н. История Англии. М., 1950, с. 67–68; З. М. Черни - л о в с к и й. Նշվ. աշխ., էջ 234–236:

Ընդ որում, օրենքի, իրավունքի գերակայության սկզբունքը, առանց որի «իշխանությունների տարանջատումը» չի կարող կենսունակ լինել, Շահամիրյանի մոտ կենտրոնական տեղ է գրավում: Ինքը՝ «Որոգայթ փառաց» անվանումն արդեն արտահայտում է հեղինակի նպատակը՝ ստեղծել այնպիսի օրենքներ, որոնք որոգայթ թակարդ կհանդիսանան բոլոր այն մարդկանց համար, ովքեր կփորձեն չարաչահել իրենց դիրքը, գործել կամայականորեն՝ ի վնաս պետություն և ժողովրդի: Մարդը, իր փոփոխական բնույթից բխող բոլոր բացասական երևույթները բացառելու համար, պետք է ղեկավարվի միայն օրենքով. «... պարտ է ընտրել մեզ վարք և կարգ և օրէնք վասն վարուց կենաց մերոց և լծորդել փոփոխական բնութիւնս մեր ընդ անշարժ օրինօք, զի եթէ ժամանակ ընդ ժամանակ կենաց մերոց ըստ խառնուածոց բնութեան մերոյ միտս մեր ձկտիցէ առ ՚ի գործս անասնոց և անբանից: Շղթայք կապանաց օրինաց մերոց պնտելով սաստեցուցէ բնութեանս մերոյ և օրինօք դատապարտեսցի, զի կացցուք և մնացուք ամենեքեանս բարեպէս ընդ կարգ և սահմանս մերոյ օրինաց, որ ընտրեցետլ ՚ի լրումն ժամանակէ բնութեանց մերմէ, զի սովաւ արդարացէ դատաւորն և սովաւ ընդունեսցի մեղաւորն պատիժս իւր վասն մեղաց գործոյ ձեռաց իւրոյ, և սովաւ յատնեսցի բարին և չարն, սովաւ ծանիցէ ամենայն բնութիւն մարգւոյ հարկս իւր և համախոհ հնազանդելով օրինաց իւրեանց՝ ընթանացէ ուղղակի կառն իրաւանց և արդարութեանց, և կառավարիչն կալով մնացէ առանց տեղի բամբասանց և այլն»³⁵: Օրենքի գերակայության սկզբունքը Շահամիրյանն ընդդժնում է բազմիցս³⁶: Իր օրենքների «Հատուկ մասի» ԺԶ (16) հոդվածում որպես կոնկրետ իրավանորմ, Շահամիրյանն արդեն ուղղակի գրում է, որ օրենքն ընդունվում է Հայոց տան կողմից, այն պետք է հավանություն արժանանա ամբողջ ազգի կողմից, որը և այն՝ օրենքը, ընդունում է որպես իր միակ տիրոջ (հովվի)³⁷: Իհարկե, զուտ գիտական, ակադեմիական առավել ևս ժամանակակից իրավագիտության իմաստով, գուցե ասենք, որ «Որոգայթում» խոսքը սոսկ «օրենքների պետություն» կամ «օրինականության պետություն» մասին է (ինչպես Շահամիրյանի «իշխանությունների ընդհանրություն» ժամանակակից առումով՝ մասնավորապես «Հավասարակշռության» մեխանիզմի առումով կարող է թերի դիտվել), սակայն «Որոգայթը» արտահայտում է մտքեր, որոնց առնչությամբ կարող ենք «գոնե» ասել, որ այն իր ժամանակաշրջանի առումով, մեղմ ասած, բավական մոտենում է «իրավական պետություն» սկզբունքին: Մասնավորապես, Շահամիրյանը չի բավարարվում սոսկ օրենքների ընդունմամբ կամ միմիայն դրանով ղեկավարվելու սկզբունքով, նա պահանջում է նաև, որ օրենքը լինի իրավական, այսինքն՝ ընդունված մարդու «բնական բնությունը» և «բանական հոգուն»՝ մարդկանց, հասարակության իրական պահանջներին համապատասխան, լինի արդարության չափ: Ահա թե ինչ է դրում Շահամիրյանը. «Նա ևս հարկաւոր է իմ ասել, բարեկամք ընթերցողաց իմոց և հաստատեալ ՚ի միտս ձեր, զի հաստատութիւն զամենայն, զօր ինչ բանի ՚ի յերեսս երկրի, որում կարէ

35 Որոգայթ փառաց..., էջ 32-33:

36 Նույն տեղում, էջ 21-22, 64-65, 151:

37 Նույն տեղում, էջ 151:

կալ յաւիտեան, որ նոյն ինքն լինիցի իբրև տեսարան 'ի ակն ամենայն տեսողաց, և զի ո՛չ մնաց և ո՛չ մնալ կարէ 'ի վերայ հաստատութեան զամենայն զոր ինչ ի յերեսս երկրի ընդ հովանեաւ բնութեան մարդոյ ո՛չ կարդ, ո՛չ կանօն, ո՛չ հրաման, ո՛չ հնազանդութիւն, ո՛չ սէր, ո՛չ թշնամութիւն, ո՛չ սլատիւ, ո՛չ նախատինք, ո՛չ կեանք, և ո՛չ վախճան եթէ չիցէ ընթացեալ 'ի ճանապարհաւ, և կերպիւ և համեմատութեամբ բանական բնութեան մարդոց ի զօրութենէ բանական հոգոյ ընտրողութենէ, եթէ ընթերցօյ մորայ գուցէ այնքան պատանի, որ 'ի միտս իւր կարի առնուլ թե զիարդ հրաման կայսեր և թագաւորաց, որ երբեմն ընդ դէմ բնութեան մերոյ իբրև փայլակ ելանէ և ոչ նայի համեմատութիւն ինչ բնութեան մերոյ, և կատար հրամանի 'ի վերայ նորայ, փոքր խօսիւք ցուցից նշաւակ ինչ վասն հաստատելոյ խօսքն իմ որ 'ի վեր այսինքն՝ կայսրն հրամայէ զիս առնուլ թեւիս և թռչիլ 'ի հօդս, և կամ զգեանալ փող և մուծանիլ զիս 'ի խորս ովկիանոս ծով, և բանալ աչք իմ ընդդեմ ճառագայթի արեգակն քննել զամենայն, զոր ինչ 'ի միջի նորայ, և ոչ ուտիլ քառասուն ամ, և ոչ եղուլ արտաքս 'ի յորովայնէ և այլ նմա մորայ ընդդեմ բնական բնութեան հրամանի, երկայնամիտ լեր ընթերցող, եթէ 'ի վեր փոքրիկ վկայիւք յիշեցուցեալս վասն սիրոյ և կամ յերկիւղի և հնազանդութեան կայսեր կարես դա անձամբ անձի կատար հասուցանել, այլ որպէս, ես դիտեմ զի ո՛չ դու և նոյն գունակ ո՛չ ամենայն մարդ, որ 'ի բնութենէ մարդոյ ոչ ոք կարէ առնել դայ, որ իցէ ընդդէմ բնական բնութեան մերոյ, ոչ թե 'ի պատճառէ յանդգնութեան և կամ ապստամբութեան հրամանի կայսեր, այլ միմիայն 'ի պատճառն ընդ դէմ բնութեան մերոյ լինիլն, որ զամենայն հրաման և պատվեր և օրենք և այլ, զոր ինչ որ ընդ դէմ բնութեան մերոյ ոչ երբէք կարէ մնալ 'ի մէնջ մեր և ոչ կարէ հաստատիլ 'ի տեղի իւր՝ եթէ ոչ մնայ միայնակ, ընդ դէմ բնութեան հրամանս պատճառ լինիցի քակելոյ, աւերելոյ Շինութիւնս մեր և ազտեղեցուցանելոյ մաքրութիւնս մեր, լծորդելոյ ազատութիւնս մեր և այն ...»³⁸ :

Ավելացնենք նաև, որ «Որոգայթի» ժողովրդական, ելակետային հիմնական, վերը նշված սկզբունքները ձևավորվել են դեռևս 1770-ական թվականներին սկզբին (կոնկրետ 1774-1776թթ.), ավելի շուտ, քան ԱՄՆ-ի և Ֆրանսիական սահմանազրությունների ընդունումը³⁹ :

РАЗДЕЛЕНИЕ ВЛАСТЕЙ И АРМЯНСКАЯ ПОЛИТИКО-ПРАВОВАЯ МЫСЛЬ

(Вторая половина XVIII в.)

МАЛИК ТЕЛУНЦ

Р е з ю м е

В статье рассматриваются вопросы, касающиеся принципа разделения

³⁸ Նույն տեղում, էջ 116-118 (ընդգծումները մերն են-Մ.Թ.):

³⁹ Մ. Թեւիկունց. Հայ ազգային-ազատագրական շարժումը XVIII դ. երկրորդ կեսին և իրավաբանական միտքը. Երևան, 1995, էջ 123-130, 141-149:

властей в сочинениях известных армянских деятелей XVIII в. — Иосифа Эмина, Мовсеса Баграмяна и Шаамира Шаамиряна. В частности, делается вывод о том, что в составленном уже в начале 70-х годов XVIII в. проекте первой армянской конституции "Западня честолюбия" с определенной четкостью реализован принцип разделения властей или ограничения властных полномочий в сочетании с основополагающими принципами народовластия и правового государства.

DIVISION OF THE POWER AND ARMENIAN JURIDICAL-POLITICAL IDEA
(The second half of the 18th century)

MALIK TELUNTS

S u m m a r y

The opinions of the well-known Armenian illuminators Hovsep Emin, Movses Baghramian and Shahamir Shahamirian concerning the principles of the division of the power are discussed in the article. Particularly the following conclusion is drawn on the basis of lawpolitical researches that in the second half of the 18th century in the project of the first Armenian constitution "Vorogayt Parats" the principle of the division of the power or limitation of power is rather thoroughly discussed combined successfully with such modern principles as people's power and the state of law.